

2 սեղան յանուն Ս. Լուսաւորչի և Ս. Կարապետի, և զերրորդն որ անկանէր 'ի վերայ ճանապարհի Գիւտ Սաչին, քակեալ են Լատինք, որպէս և զայլ տեղիս Հայոց:

Տեղիքն Յունաց զոր նորոգեցին. Տաճարն, զոր ինքեանք կոչեն Աշխարհամատրան, զընդհանուրն մասնաւորելով. Գողգոթայն՝ միայն տեղին Սաչելութեան, չորրորդ բանտն Քրիստոսի, զեկեղեցին Կոստանդիանոսի. իսկ մեծ աշտարակն, որ էր յառաջագոյն զանգակատուն, աւերեալ մասամբ իւրք 'ի Սալահատտինէ, կարի բարձր շինեալ 'ի վերայ չորից դասիկոնաց, այլ ոչ էր հրաման նորոգել զայն, զի պէտս ունէր մեծի ծախուց. և 'ի հրովարտակին քակել հրամայէր զերկոսին հարկս, սակայն և այնպէս թողին զայն որպէս եւ էրն յառաջագոյն եւ զինի ժամանակաց կախեցին անդ Յոյնք զանգականիս:

Բաժինք Լատինաց. մեծ գմբեթն տաճարին փայտակերտ ծածկեալ կապարաւ, և արձակ չըջանակն 'ի ներքոյ նորին մինչեւ 'ի գլուխս սեանց եւ կամարաց. բարձրութիւն գմբեթին 7 կանգուն և 9 մատնաչափ. 11 կամարքն՝ որք կոչին Կամարտ խաչ. 5 կամարքն 'ի նոցանէ, որք էին 'ի ներքոյ սենեկաց խաչէ կոչեցեալ մենատտանին այլազգեաց, և 15 սենեակք 'ի վերին և 'ի ստորին յարկի նորին. փոքր եկեղեցին Լատինաց՝ 'ի կողմն հիւսիսոյ յատակեցին հասարակ սալիւ, քակեալ զմիւսինոն առաջին. ըզչըջապատ յատակս Գերեզմանին, եւ զհրապարակն կամ դահլիճն առաջի նորա յատակեցին հասարակ քարիւ. մինչ յառաջագոյն գոյնգոյն միւսինոնով զարդարեալ էր. զԱյրն Գիւտի Ս. Սաչին, 'ի Գողգոթա տեղի Տարածմանն միայն, և զերկոսին կամարսն. զվերին և զստորին յարկս, 7 կամարք Ս. Կոստան կոչեցեալ. և ոմանց 'ի մարմարիոն սեանց վնասելոց ագուցին երկաթի չըջանակս:

Քանզի Մեկք Սալահատտին 'ի տիրել քաղաքին Երուսաղէմի՝ զպատրիարքարանն Լատինաց կից Ս. Յարութեան, որոչեալ կարգեաց զայն 'ի մզկիթ, անուն եղեալ նմա Սանքէ, և շինեաց անդ այլ եւս սենեակս 'ի բնակութիւն այլազգեաց, ուր եւ յետոյ ամ ըստ ամէ այլք եւս շինեցին սենեակս մինչեւ 'ի վերայ կամարաց եւ մեծի չըջանակի գմբեթի եկեղեցւոյն: Եւ զի անհնարին էր նորոգել